

PLOANIES SAN MARTIN Y LUNGIARÜ

Al vëgn ciamó n iade recordé les poscibilités de formaziun teologica y religiosa che vëgn pitades dala Scora de Teologia tl Seminar a Porsenú, ch'i podëis odëi tl'injunta al'ultima plata dla cöra o ince ti deplianc metüs fora sön scafa di libri apé de dljia.

Festa de San Berto sö La Crusc: Prozesciun da San Linert sö La Crusc dales 7.30 y Mëssa solëna sö La Crusc dales 9.30 cun prozesciun eucaristica

PLOANIA SAN MARTIN

En dedemesaledema ai 24 d'agost vëgnel indô sié la cortina dales 17.00 inant; tl caje de bur tēmp vëgnel sié le de do, en jöbia. Chi che á dlaurela vëgn dër bel periá da gní a daidé.

PLOANIA LUNGIARÜ

La Uniun di Seniors da Lungiarü inviëia duc i seniors da Lungiarü en domënia, ai 28 d'agost, dales 12.00, ite dal lech a na griliada. Da bur tēmp vëgn la griliada tignida ia dala ütia dla segra. Präibel prenotesse cina en vëndres, ai 26 d'agost, pro Annelies 0474 590 067 o 346 35 87 175.

Incö domënia, ai 21 d'agost, cianta tla dljia de Badia pro la mëssa dales 18.00 le Cor Kérygma y le Cor di Èi (müjiga a capella de deplü compositurs)

Assoziaziun Turistica:

en lönesc ai 22 d'agost dales 21.00: diashow "Les cater sajuns incër Pütia" de Marlis Clara a Lungiarü dal Murin dl Ostí Vedl. Da bur tēmp tl salf dles manifestaziuns.

en dedolönesc ai 23 d'agost dales 21.00: sëra cun le Bal Popolar Val Badia tl salf dles manifestaziuns a n'Antermëia.

en dedemesaledema ai 24 d'agost dales 21.00: curs da balé cun Isidoro Clara tl salf dles manifestaziuns a Lungiarü.

en jöbia ai 25 d'agost dales 21.00: diashow "Dolomiti e Natura" de Carlo Dapoz tl salf di stödafüch San Martin.

en vëndres ai 26 d'agost dales 21.00: concert dla musiga da San Martin söl paiun a San Martin. Da bur tēmp tl gran salf.

en sabeda, ai 27 d'agost dales 21.00: diashow "Ricordi dal passato" de Hans Pescoller tl salf dles manifestaziuns a n'Antermëia.



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

21.08. - 28.08.16 nr. 39

termo da publiché: jöbia 20.00
radio: 90,40 / 93,70



21^a DOMËNIA IA POR L'ANN - C

Vangele do San Lüca 12,49-53

Dailò él stè un che l'à damanè:

Signur, n'él mâ püc che vëgn salvà?

Al ti à dit: Porvésse cun dotes les forzes da passè por la porta strënta; deache tröc, ves diji, porvarà da rové ite, mo ai ne sarà nia bugn.

Sce le patrun de ciasa lê sö

y sera pro la porta, restëise defora, i tlocorarëis pro porta y i cherdarëis:

Signur, dèuresse! ... Mo ël ves respognarà:

I ves diji, i ne sa nia da olach'i sëis. Demez da mè, i ëis duc fat de tort. ...


Y an gnarà dal oriënt y dal ozidënt y dal nord y dal süd

y se sentarà pro mësa tl règn de Dî.

Spo nen saral di ultimi che sarà i pröms y di pröms che sarà i ultimi.

Gejú strënj indô n iade le tru da jí a paraisc, incö n'él nia n camel che mëss se trá fora por le büsc de na odla, mo i un dan da nos la porta strënta por chëra ch'al n'é nia duc che passa. Gejú la mina söl sciode, y porchël dessun ince nos la tó söl sciode. Mo sóla domanda, cai y tanc che vëgn salvá, ne dá Gejú degöna risposta, deache chësc ne t'invel nia a chël che l'à damané.

Important por Gejú é ma öna na cossa: Interessëiete de to sach. Ne sté a ciaré a man dërta y a man ciampa sce duc s'astila bëgn indertöra, sc'ai vá bëgn a Dljia y se tëgn bëgn ales usanzas. Ciara dantadöt che túa fede crësces, che te t'astiles indertöra y che te ne suravëighes nia chi che é rová sot les rodes ite. Deache al ne basta nia da l'avëi conesciü y da ester stá sentá dlungia ël. Aldí pro súa jënt, pro so paisc, pro súa mësa, ne me garantësc nia le règn dl cil. Al ó ester val' deplü por rové ite, y na garanzia ne ciafi da degügn. Mo vignun á poscibilités da rové ite; i orun les sfruté. (Chr. Brunner)



	SAN MARTIN		LUNGIARÜ
21.08.16 21^a DOMËNIA – ANN C	9.00 Corona 09.30 Gran Mëssa y benedisciun dl tëmp	21.08.16 Domënia	7.55 Corona 8.15 Gran Mëssa y benedisciun dl tëmp 15.00 Corona tla capela da Seres
22.08.16 Lönesc <i>Maria Reina, Siegfried</i>		22.08.16 Lönesc	
23.08.16 Dedolönesc <i>Rosa da Lima</i>	19.30 Mëssa + Giovanni Videsott, Cir (dl ann) + Irene Prousch 20.00 Sentada dl consëi de cöra	23.08.16 Mertesc	
24.08.16 Dedemesaledema <i>San Berto apostul, Isolde</i>	19.30 Mëssa a Picolin en onú de San Berto vis y ++ Tolpeit ++ de Frida Videsott + Vijo Clara	24.08.16 Mercui	7.30 Mëssa + Ida Clara Verginer
25.08.16 Jöbia <i>Senese, Ludwig</i>	7.30 Mëssa families de Giovanni Tavella + Paul Ferdigg ++ Pescosta, Verda Corona por vocaziuns	25.08.16 Jöbia	
26.08.16 Vëndres <i>Gregöre, Alexander</i>	19.30 Adoraziun 20.00 Adoraziun chita	26.08.16 Vëndres	7.30 Mëssa ++ Pire y Gabriel Clara, Mair
27.08.16 Sabeda <i>Monica, Gebhard</i>	15.30 Mëssa tla Ciasa de Palsa 18.30 Mëssa prefestia fam. de Sepl Unterweger dl ann + Monica Vittur Tolpeit dl ann + Friedl Pedevilla y + Paula Paraza ++ Franz y Rosa Frenner + Alfred Zingerl	27.08.16 Sabeda	20.00 Mëssa prefestia dl ann + Scebio Nagler + Severino Zingerle + Scimun Mischi
28.08.16 22^a DOMËNIA – ANN C	9.00 Corona 09.30 Gran Mëssa y benedisciun dl tëmp	28.08.16 Domënia	7.55 Corona 8.15 Gran Mëssa y benedisciun dl tëmp 15.00 Corona tla capela da Seres